

## LEMPUNG ATI/GERAH JARI

“Nyampau penerang langit mandang ka mulia Allah Taala! Naka meh penerang langit ngayan ka utai ti udah digaga iya! Hari siti nusi berita ngagai hari siti; malam siti nampung berita ngagai malam siti.” (Masmor 19:1,2). Bacha mega ayat 3,4.

Ari Masmor tu, kitai belajar ka utai ti digaga Tuhan (langit enggau dunya)

- Madahka mulia Tuhan
- Madahka kereja jari Tuhan
- Neruska berita
- Mandangka pengelandik

Kitai ulih belajar ari Utai Digaga Tuhan enti kitai deka beratika enggau manah-manah. Baka bisi atur ti nyata mai pengerusak ngagai dunya. Tuhan mega udah netapka atur pasal pengarap ti merintah pengidup. Siti utai ari nya ianya Atur Nelap Ati. Perkara tu ngajar kitai senentang “orang ti nanam benih enggau nelap ati deka mega ngetau enggau nelap ati” (2 Kor 9:6).

### **A. BESAUM**

Orang ti begulai ngereja pengawa ka Tuhan (1 Korint 3:9; 2 Korint 5:20; 6:10), patut amai kitai meretika dini tanggung pengawa kitai:

#### **1. Besaum Utai Enggau Tuhan**

“Dunya enggau semua utai ti dalam iya endang enggi Tuhan; dunya enggau semua orang ti nguan iya endang enggi iya.” (Masmor 24:1). Pedana mega Masmor 89:11; Jop 41:11; 1 Bansa Israel 29:10-14.

Kitai ukai orang ti bempu tang orang ti mela. Semua utai diempu Tuhan. Setiap utai ti digaga, idup tauka mati, endang enggi Iya, nyengkaum utai ti dikumbai utai mati tauka utai idup ti ulih kitai pedana ba dalam pengidup kitai; semua reta tengkira, kereja enggau kitai diri sebilik.

Iya udah meri semua utai ngagai kami ngambi bisi dipeguna kami (1 Tim 6:17); lalu lebu may kitai ngasaika orang bukai mega agi diempu Tuhan, kitai ulih diau lantang sereta pechaya Tuhan mega bempu tanggung pengawa ti penuh ngagai sida.

#### **2. Ngurus Pengawa Ti Ngatur Sereta Nyaga Nya Ungkup Kitai**

Kitai ukai orang ti ngempu, tang pemela. Siko pemela ngatur enggau nyaga semua utai ti diempu siko-siko orang. Tuhan bempu semua utai; lalu kitai ti nyadi pemela, kitai ngatur sereta nyaga semua utai nya ka Iya. Kitai patut taluk lebu may ngurus ka pengawa tu.

Tuhan nyerahka ngagai kitai tanggung pengawa ngatur sereta nyaga hal-hal ti udah Iya beri ngagai kitai. (bacha Matt. 25:14-30). Lebu kitai mereti pasal kaul antara Tuhan Ti Bempu enggau pemela besangkut enggau reta Tuhan, lalu nyadi mudah kitai ulih meri.

Ba mua Tuhan, pengawa ngurus ngelindung setiap hal ti nyadi enggi kitai:

- a. Pengidup Kitai (SPKR 17:25; 1 Korint 6:19; Galatia 2:20; Job 33:4).

- b. Jam Kitai (Masmor 90:12; Epe 5:15,16; Kolosi 4:5).
- c. Pemerl Enggau Peneka Kitai (1 Pet 4:10; 1 Korint 12:4-7,11).
- d. Reta Tengkira Kitai (Matt 6:19-21; Kolosi 3:1,2).
- e. Wang Ringgit Kitai (1 Tim 6:6-10, 17-19; Matt 6:24).
- f. Pesan Injil (1 Korint 4:1; 9:16,17; 1 Tim 6:20).

Indahka nya, mayuh orang Kristen agi kakang ati deka meri sanggup, enda ngira berapa pen pemaYuh ti deka diberi sida.

Tang gaya pendiau ti ngasuh siko orang ti arap nerima berkat ti belimpah ari asil *ngurus ka kereja* ti manah ianya NYERAH KA DIRI. Nyerah ka diri ti enda disekat ari seluruh pengidup siko-siko orang, reta ti diempu enggau pelin awakka bulih peneka enggau tuju Tuhan.

Semina enti kitai nyerahka DIRI KITAI EMPU, kitai belajar nama reti kitai meri reta (tauka duit) ti udah Tuhan beri ka ngagai kitai.

## **B. CHARA ORANG KRISTEN MERI BA GERIJA KETERUBAH**

“Semua sida ti arap majak begulai enggau pangan, lalu saum utai enggau pangan diri. Sida nyual reta enggau pemisi sida, lalu magi duit rega utai nya enggau semua orang, nitih ka pemaYuh ti dipeguna orang siko-siko.” (SPKR 2:44,45; 4:32).

Chunto ti ditunjukka semua orang Kristen ba gerija ti terubah suba nyadika lalau ari setiap gaya pendiau ti meri ba maya ti deka datai.

Lebuh maya penyampau tubuh orang Kristen majak mayuh, lalu datai bemacham-macham chara dikena meri. Tang semua pemerl siko-siko nunjukka pemereti ati sida ka pasal NGURUS – ka semua utai ti bisi ianya enggi Tuhan.

### **1. Gerija Mantu Orang Ti Beguna Ka Tulung**

Ba gerija ti terubah-rubah suba, orang ti patut dipilih mela ba gerija nyadi ‘paderi’, pemantu lebh maya magi piring enggau pemerl ngagai indu balu enggau orang ti berguna ka bantu (peda ba SPKR 6:1-3). Orang tu nyadi ka kerja mela nya baka penyambung semua pemerl piring ngagai endur ti berguna ka ia.

### **2. Semua Gerija Sama-Sama Ngenjuk Ka Piring**

Lebh maya orang Kristen Judah di Jerusalem dituntung lapar pungkang, miskin enggau merinsa, gerija-gerija orang bansa bukai mantu sida.

“Sida udah balat di-uji ulih mayuh macham penusah ti udah di-asai ka sida; tang ati sida gaga bendar, nya alai sida enda kakang meri sedekah ti mayuh agi, taja sida umang bendar. Aku berani netap ngagai kita, sida udah meri naka pemaYuh ti ulih sida, tauka lebh agi ari ti ulih sida. Enggau peneka ati sida empu.” (2 Kor 8:2,3). Peda mega ayat 1,4.

### **3. Gerija Nyukung Pengawa Ti Mela Sebarang Endur**

Rasul Paul bejalai ari siti tempat ngagai siti tempat lalu nirika gerija-gerija baru. Ba beberapa iti utai udah nyadi Paul bekereja ngena jari iya empu dikena ngenyukup ka utai ti dipeguna iya (SPKR 18:3; 2 Tesalonika 3:7-9).

Ba alai bukai gerija ba Pilipi nunjukka pengeran ati ti amat ka meri nitihka pesan Tuhan dikena nyukung kereja mela ngagai siti-siti tempat baka ti digaga Paul.

“Tu tanda aku udah nyambut semua utai ti diberi kita ngagai aku – utai nya lebih ari chukup! Aku bisi semua utai ti dipeguna aku, diatu Epaproditus udah mai semua pemeru kita ngagai aku. Tu baka piring ti bebau rengut ngagai Allah Taala, piring ti disambut sereta dikerindu ka Iya.” (Pilipi 4:18). Bacha mega ba ayat 15-17.

**4. Orang Kristen Bekereja Awakka Ulih Meri**

“Orang ti selalu ngerumpak enda tau enda badu ngerumpak, lalu belabuh ngereja pengawa kena ngidup ka diri enggau jalai ti lurus sereta nulung orang ti seranta.” (Epesus 4:28).

**5. Pemeru Ianya Tanda Ari Pengerindu Sida**

“... Jam ti diatu, nya alai endang patut kita nulung sida ti beguna ka tulung.....Pandang ka pengerindu kita (enggau meri) ngagai sida.....” (2 Kor 8:14,24). Pedu mega ba ayat 7-15; 1 Korint 16:1,2; 1 John 3:17,18.

**C. ATUR TUHAN DALAM PEMERU**

Ba dalam 1 Korint 10:11, kitai dilalau patut belajar ari chunto orang Israel. Kitai patut belajar ngena atur ti diberi ka ngagai sida ulih Tuhan.

Ba maya ti sama, kitai pen patut ngiarka penyalah orang Israel (enggau bala ketuai) ba padang pasir. Ba dalam pemeru, kitai tetemu ka beberapa jalai ti ulih nulung kitai lebuw maya ngenjuk ka pemeru:

**1. Tuhan Ngarapka Kitai Nyendiaka Pemeru Ari Asil Pengawa Kitai Belabuh Enggau 10 Peratus**

“Bai semua pemeru bagi sepuluh (10%) kita ngagai Rumah Sembiang ngambi ka pemakai chukup di-engkah dia. Uji aku! Lalu kita deka meda aku muka pintu serega lalu nuang mayuh bendar utai ti manah ngagai kita.” (Malaki 3:10).

**2. Kitai Patut Meri Ngena Chara Teratur**

“Ari atur Rajah (Rajah Heseekiah), sida lalu ngaga bilik dalam Rumah Sembiang, lalu nyimpan semua pemeru enggau sedekah dalam bilik, awak ka likun.” (2 Bansa Israel 31:11,12a).

**3. Kitai Patut Meri Ngagai Tuhan Asil Ti Terubah Enggau Ti Manah**

“Kemesai ka Tuhan ngena semua utai ti pemadu manah ti pansut ari tanah nuan. Enti nuan ngereja tu, tibang nuan deka penuh laban gandum. Nuan deka bulih ai anggur lebih agi ari ti ulih simpan nuan.” (Jaku Dalam 3:9-10).

**TANGGUNG PENGAWA AKU**

Nengah pelajar tu aku nemu naka meh beguna kitai bempu ati enggau perangai ti nelap ati enggau orang bukai. Saritu aku nyerahka diri aku empu lalu bepun siti pengidup ti selalu deka meri sanggup (meri sepuluh bagi ari pemisi aku dikena ngereja ka pengawa Tuhan). Aku mega deka mai sereta ngajar orang bukai ngereja pengawa ti sama.